

寶泉新牘

題寶泉新牘

司農之有圜府新局也起曹舊
有局以佐經費曰寶源司農不
得越而問焉自東西交訐內外
府金絀議者以圜法佐軍興
制曰可愛命卿貳董其事別之曰

寶泉云易蒙之象山下有泉蒙
君子以果行育德夫育德而必
期于果也以去蒙有漸非果則
無繇日新其德也山下之泉潄
脉于空洞經行于兩涯奔赴于
大壑其流行極于洸潄漸莫

可樂而其始乃有蒙之者夫圖
泉也亦若是則已矣大學明明
德于天下而終之以生財生者
日新而不已之謂也圖法生財
之一也新則不已蒙則生生之
機幾于息矣惟是一局之內百

蒙集焉有蒙我以寬暇而姑不
經懷也者有蒙我以倉皇而迫
不及待也者有蒙我以巧曆而
心計莫之也者有蒙我以質交
而目花爲昧也者有蒙我以美
疾而厝毒于微也者有蒙我以

哆張而假援于輿也者有蒙我
以傳舍而據之爲窟穴也者有
蒙我以養尊而竊之爲神叢也
者此其爲蒙也不細矣奈何忽
忽視之余實屏黯承乏泉局凡
十閱月有概于果行之義而稍

祛其蒙昧幾盤銘之苟日新者
在公諸牘不忍倣帚摘舉若干
條分爲兩卷漫付之梓題曰寶
泉新牘客有誚之者官亦遽廬
一宿則新再則故矣茲牘又遽
廬中之餘唾也何能爲寶泉重

余唯唯否否周禮一書理財居
半其文舊而其義常新

今上浴德重玄如泉始達盈庭穆
穆不乏日新又新以贊

清明之在躬者則繇理財以平天
下間間片牘未必非大道之筌

蹄也

天啓四年獻春吉且陽羨陳于廷
書于矩室之西楹

寶泉新牘

卷之一目錄

一 酌議補偏救弊疏

一 恭報年終本利疏

一 仰體 聖孝以濟陵工疏

一 咨正堂回覆工部索銅償銀緣繇

一 詰發官局私錢疏

一 咨覆正堂奉 旨究問侵冒緣繇

一 奉 旨責成省直并各鈔關買銅文移

一咨催南戶部差銅商許志陞等領銀貳萬兩
買銅未到緣繇

一咨催代進南部制錢值銀壹萬貳百兩未還
緣繇

一咨南戶部動支天啓二三年分改折銀捌萬
兩買銅併催各關銀銅緣繇

一咨催工部主事原領南戶部事例銀陸千貳
百壹拾兩買銅未到緣繇

一咨工部分買商販銅斤戶六工四緣繇

一照會江西動支輕齋或別項銀貳萬兩買銅緣繇

一咨催浙江委官曹士先原領輕齋銀叁萬兩買銅貳拾伍萬斤起解未到緣繇

一咨催湖廣委官楊一震原領輕齋銀貳萬兩買銅未到緣繇

一咨應天撫院催提千戶王來詔等買銅未到緣繇

一劄付督理工部員外查核書役王純經

承錢糧完欠緣繇

寶泉新牘

卷之二目錄

一批詳約法拾條

一批駁預納銅本賞爐鼓鑄緣繇立案不行

一批定銅鉛價值銅照原定額數其窩鉛參酌
巡視條奏每觔准柒分柒釐以杜冒破緣繇

一批詳沈五等行大興縣究報爐頭史任和革
後緣繇

一批緝李文煥等自盜情露已行而未得財緣

繇

一批詳楊夢爵常川應役緣繇

一批詳爐頭茅建等鑄錢獨輕暗添餘錢依擬
責革緣繇

一批詳棍犯劉元之等藐法科騙依擬責解原
籍緣繇

一批詳常川爐頭限定肆名不許增添緣繇

一批詳爐頭名冊分班人數有減無增以清冗
役緣繇

一批詳商販零星銅鉛免赴巡視掛號止登報循環緣繇

一批究捉獲假錢緣繇

一批行太倉庫領發前部利錢伍萬餘兩緣繇
一照會陝西布政司嚴查差官郭幅益等給批買銅日久不到有無影射侵冒緣繇

一照會陝西布政司嚴查李應龍等買銅不到展轉別營緣繇

一劄付湖廣司查核楚省原題輕齎買銅銀拾

肆萬兩延今叁年並無銅斤到部緣繇

一咨覆本部奉 旨叅奏緣繇

一劄付廳司酌定爐版以杜弊竇緣繇

一檄行該司查追侵欠銀銅緣繇

一檄行該司查議增修司署緣繇

一檄行該司查議汰裁爐房緣繇

一檄行崇文門押送商販銅觔到局緣繇

一查明自天啓貳年正月初柒日起至天啓肆年正月拾貳日奏繳止借過各項錢糧作本

買銅共該還大倉銅本銀貳拾萬玖千伍百肆兩陸錢陸分總撒數目

一查明自天啓貳年正月初柒日開鑄起至肆年正月拾貳日奏繳止陸續解發過錢共值銀貳拾捌萬肆千捌百伍拾陸兩捌錢柒分叁厘除本存利總撒數目

一查明天啓肆年正月拾叁日奏繳止實在庫鑄大錢小錢紅銅黃銅窩鉛肆項共值銀伍萬貳千捌百零肆兩伍錢玖分壹厘俱係本

外利息連前已發利錢柒萬伍千捌百貳兩貳錢壹分叁厘通共得利壹拾貳萬捌千陸百零陸兩捌錢零肆厘總撒數目

一奉 旨查叅司府未完錢糧

一查核積餘作正支放以免朽蠹疏

一酌議停買餘米以杜浮濫之蠹疏

督理京省錢法戶部右侍郎陳于廷謹

題爲衡量鼓鑄事宜酌議補偏救弊伏乞

聖明特 賜申勅以肅錢法以清財源少裨軍 國

涓埃事臣至迂愚承乏計部竊痛民窮財盡莫能
煉石點金竭蹶局內而嘗試之初以爲一錢刀之
任耳無足難者乃事本直截而文移未免錯綜時
偶乖違而 題覆不能歸一鞭長不及腹則經年
無完報之期法弛而誨頑則三窟爲藏奸之府方
輿薪之不見亦寸木之可高轉覺慮始之艱而繼

治之不易矣受事踰月稍解疑冰爰據管窺陳其
固陋如有關於利病何敢愛此髮膚條列數端仰
塵乙覽伏惟

聖慈垂察焉

一杜借支浮冒之弊銅鉛來自滇蜀川塗所隔不
翹萬餘里原不易致年來禦人作梗尤難之難者
故去歲多方督催僅得八十餘萬斤計所實借錢
糧亦不滿十萬兩此一歲銀銅之大較也乃先後
題覆那借銅本每年南京改折等項十萬兩兩淮

鹽課十萬兩應天浙江江西湖廣等處各輕齎四萬兩後俱改爲五萬兩其他陝西等處之那借又在數外者也及查各處買銅十不完一中間奉

欽依而扣留承委買而侵冒拖延不了又情弊之必然是鑄銅之利未尺寸而那銀之弊將尋丈也故臣謂初年扣借錢糧逐一清查盡數買銅以收鼓鑄之實而天啓二年三年應扣前項銀八十萬兩所當查明暫停照常清解俟初年銅斤盡數報完臣部另行坐派採買庶銅與銀不至兩懸而無着

也

一重部差兼督之法九江潯墅揚州杭州淮安等
關係各省襟帶之要會百貨灌輸之總途收買銅
鉛其勢易達原有解部額課移課買銅其本易辦
以買銅之分數開除額課之分數其數易清簡委
員役必躬必親酌定期時稽時比其欺冒易防
先事而爲瓜代之計必不至於遷延罔終其事緒
易結故資鼓鑄於關差有此五便焉各關俱聽臣
部酌量多寡派買銅斤照數完解若曰好逸惡勞

讓而不任目擊時危誰敢懷此二心將急國恤而忘私圖諸臣自許之謂何當不其然惟是紀錄叅罰奉有

欽依臣不敢負諸臣以負國願與諸臣共矢之矣一明兩部分任之責兩淮額解太倉銀兩暫借十萬兩買銅總係邊餉原議照數扣補不宜付之子虛昨年工部分去銅十萬斤便銷課一萬二千兩已如逝水之不可收也頃復移咨臣部索銅恐十萬額解原非爲工部而借而臣部寶泉一局又不

勝舍已耘人之患矣且臣局有借有還而工部有借無還當此邊需告竭豈能歲損若干萬課姑應該部無名之求耶及查舊案臣部昨年咨行南京戶部動支應解太倉事例銀六千二百一十兩給發工部原差主事就近買銅解送該部惟時進錢責在工部故銅價責在臣部未幾改議兩部各進制錢則前項事例銀所買銅斤仍當歸還臣局無使彼重支而此竭澤也况臣部議將利錢進

上不費額課分毫又誰爲設處銅價者想兩部事理

亦畧相同耳

一清代進 制錢之通進錢原係工部職掌頃臣部每季恭進 制錢二百五十萬文旣代其勞又代其費亦猶戶部出銅之典故也於內每季代南戶部進錢一百萬文料價工食并箱槓使費不與焉自徂秋以至今夏算計可四百萬文此該部當亟還臣局者也迄今無意償城久假烏知非有以後應將四季代進 制錢查照時估折算六千八百餘兩併工費若干兩卽作該部所收臣部銅本

責成該司經管官速買高銅湍解寶泉局收鑄庶
一借一還扣除明白臣部卽任勞而不賠本矣否
則該部應解制錢作何支銷狐鼠乾沒恐該經
管官亦不願受此名也

一酌稽查工匠之法本局每爐一座應用工匠七
名每日可鑄銅一百斤每年每爐可鑄銅三萬五
千斤惟是銅鉛難集卽多方督辦歲計不滿九十
萬斤也每日只須爐三十座工匠二百十人儘足
供一歲九萬金鼓鑄之用今增至一百六十座工

匠輒稱二千餘人又爐頭一百七十人盤旋其中
累累冗役或相倍蓰旣廩之不稱事可知矣及查
局內舊厰一百五十餘間只用其半足開爐聚匠
餘當謹閉之以清淵藪不謂又私增小房四百餘
間宛轉難窺經始未歇夫乃以磚料爲夾帶錢料
之資借萬間爲神叢托足之徑耶除檄行所司澄
汰禁止外今議擇殷實者十人常川在局總理其
事其餘一百六十名分作四班三月一換輪值領
銅交錢之事可免一羊十牧之譏矣而委巷曲房

如城如社當從三緘少抑群狐或銅料多寡無常
工匠隨時增減則餘房亦隨時啓閉來百工而防
躍冶其在斯乎若一切領銅交錢上班放假薪水
米菜之類定有日期嚴其扇鑰無容擅出擅入亦
猶日省月試之遺也但不使人浮于事公行其私
而拔本塞源思過半矣

一杜拖欠 制錢之弊夫官局森嚴上有協督下
有巡邏爐頭卽監守之人三尺具在似無所容其
侵盜者乃一歲之間所鑄錢不滿十萬金所欠錢

幾至二萬金十分而虧其二借曰不侵不盜其誰
信之夫錢值二萬金計數不止千萬件捆載亦須
數百番暗去明來日復一日涓涓不已流爲江河
彼爐頭者如飲於不涸之源而遊於不關之府也
創始已然後將何極及查一爐之設百斤之冶八
口之工一日之間可得工料三兩八錢四分取數
已太多矣猶自攬和零襍脆削不堪侵欠正項屬
鑒無已不執三尺隄防之其有多乎除立法追創
外仍著爲令以後十日一領銅五日一交錢遞領

通還隨完隨給不使多時停待爐事如流水而後
公私兩情本息通轉軍 國獲有接濟不至求殖
而得落也卽若輩身家亦可保全矣

一防買銅私鑄之奸頗聞銅販到京鬻於官者什
一鬻於私者什九私鬻者卽私鑄之藉以爐頭則
鬻則更易而官鬻愈不可幾矣乃販者不能越關
津而來則臨清河西務崇文門皆其必繇之徑合
行該關司官置循環文簿逐一登記某日某商銅
鉛若干起每起若干斤開明實數總撒相同在臨

清河西務每月一報在崇文門十日一報類發協理司官查對中間倘多舛漏各關書記難辭其責其崇文門司官每日報到銅鉛查驗明白以十分之二便民而以十分之八押送寶泉局時估平買寧從其寬無從其刻並不許胥僮居間挾騙庶商販樂爲官鬻不至盡鬻於奸徒之手而私鑄亦少杜矣

一定清除本息之法開鑄原以助邊銅本借自額課其本須及時還庫其息當隨時助邊乃克有濟

尚應還太倉者而別項開銷應助邊需者而出納
在再浸假浸貸日遷月延異時之混冒可虞此日
之額餉反損矣以後逐季銷算原借銅本盡還太
倉所餘利息奏解兵餉卽每季進

上制錢只宜於利息內扣辦不宜於額課內開除蓋
開除銅本則虧課扣解銅息則益課此不可不早
辨也如是庶不悖原題濟邊之意且不至于母
侵溷啓無窮之弊事耳

一定大小制錢之限大錢以一當十工作省而

沛澤多爐匠人等所甚欲也故多驚於大而詘於小然民間行使畢竟小錢爲常今定爲限制每爐鑄錢以十分爲率小者居其八大者居其二卽因時裒益亦祇以三七分爲衡爐頭人等敢有故違限制多鑄大錢者責革不貸庶不至積而成壅亦無須解而更張工信度以前民用抑亦可久之道也

一慎差委員役之選各省直糧道奉

旨扣課買銅委任必須佐領據江西解到銅二十萬

斤銅色黃赤可稱高等彼中解官已行獎勵仍封
識銅樣發司官收貯俟各爐頭鑄錢完日比對原
封銅色如有二樣卽係攙和責究無辭其他收買
襍銅爐頭藉口爲奸之媒錢色低脆正坐此耳及
查浙江委官曹士先領銀三萬兩買銅未到南直
委官王來詔等領銀買銅未到且預報銅價每斤
用過價銀一錢三分九厘腳價在外是明擡其直
以爲侵欺地也至湖廣則杳然未報夫若此者豈
盡商貨之不通蓋亦委官之不効卽今蜀事漸平

銅鉛易集各省直督糧諸臣同心急公再難遲悞
但其差委佐領須擇年清任淺饒有更幹者當之
庶乎前途未艾文網難干程限或終不愆臂指可
以相使源源接濟其有冀乎兼之估報公平銅色
真正是卽大法小廉之一端臣部當奉功令以
從事敘錄賢勞矜獎冗秩其又何靳焉若南京銅
商田尚沈允慶等領價逾年尚有八萬金之逋夫
亦委任之不慎以至是策其前以鞭其後可曰姑
待來日耶凡此數者皆臣職掌所關敢謂報稱難

塞旣以窺其梗概自當立見施行况值痛心疾首之時無可避怨辭勞之地然悠悠世路泄泄成風非邀

明旨叮嚀責成嚴切恐血誠不足動而錮習未易更也爲此瑣賫

宸嚴不勝戰灼待 命之至五月十一日具 題十四日奉

聖旨錢法關係國計這所奏深悉利病俱依議着實行近來制錢濫惡不堪行使顯是經管司官縱容

奸弊不行稽查着指名叅奏處治該部知道欽此

督理京省錢法戶部右侍郎臣陳于廷謹
題爲俯循職掌恭報年終鼓鑄本利并乞

聖明申飭中外臣工恪遵屢

旨共旣厥心少裨軍國涓埃事慨自軍興告絀臣部
議辦寶泉局以廣鼓鑄節經前督理臣殫效忠計
必詳必飭業已不遺餘慮矣臣實迂踈踵其後武
夙夜不稱任使是懼竊惟兵法有多不如精之說
有威克厥愛之說推之園法何獨不然是以澄汰
冗役利用簡綜核窾會利用嚴區區一得抒之章

疏荷蒙

皇上洞晰

特旨允行且責成嚴切臣誼不避勞怨遵將爐灶裁
三之二爐房裁十之七爐頭裁十之四仍分爲四
班按季輪直局事啓閉收發各有程限無容惰媮
因檄行各該衙門祇奉

王言共圖更始慮無不爭自磨厲者向苦官商拾萬
坐驅頃提比田尚沈永慶等報完黃銅陸拾叁萬
斤矣提比郭幅益等報完紅銅貳萬玖千陸百餘

斤矣提比周洪道等報完窩鉛貳萬貳千貳百餘
斤矣向苦輕齎拾數萬金連年沉閣今江西解到
銅貳拾萬斤矣浙江報解銅貳拾伍萬斤矣湖廣
報買銅貳萬餘斤矣太平府解到銅壹萬陸千柒
百斤矣寧國府解到銅貳萬壹千柒百斤矣安慶
府報解銅貳萬陸千伍百斤矣向苦南京每年動
支改折伍萬兩銀銅兩懸今報銅商許志陞領買
貳萬兩起解將至六司苦代進南京制錢共壹萬
餘金久假不還今報照數發銀差委採買取償有

期矣向苦爐頭累萬侵逋頃乃設法追比盡數完
納矣向苦市販徑鬻私鑄頃崇文門主事林肇開
及河西務臨清等關司官實心任事銳意稽核逐
一盤驗送局報買過銅鉛若干卽難密網必不售
欺於吞舟矣向苦爐役盤據移山爲難今間行獎
賞絕不增添時有創革並無頂補冗役一清弊竇
少塞矣向苦銅斤侵沒窮年難追今十日一發五
日一收愆期必懲稍逋輒革收放甚明而蠹病衰
止矣凡若此者總微

皇上之威靈嘉與諸臣之振刷而協佐司官克已繩
下良工苦心臣實藉手成事焉計自癸亥三月旣
望承乏至本年終止凡貸借各項錢糧已經買銅
到局者鑄出制錢或解太倉或發各鎮或助
陵工或給布花或發俸錢照數抵還原貸本銀毫無
虧欠尚多出肆千陸百叁拾玖兩捌錢零應算作
利息至本年四季恭進

上用大錢壹百萬文值銀壹萬柒千捌百伍拾柒兩
有奇皆取給於餘息並不敢借資於銅本也備查

實在庫貯大錢貳拾伍萬捌千伍百陸拾文小錢
伍百柒拾柒萬壹千伍百伍拾壹文共值銀壹萬
肆千玖百貳拾叁兩肆錢捌分零黃銅壹拾捌萬
陸千伍百伍拾貳斤值銀貳萬叁千叁百壹拾玖
兩零紅銅貳萬肆千伍百壹拾壹斤值銀叁千伍
百伍兩零窩鉛壹拾壹萬貳千柒百柒拾捌斤值
銀壹萬壹千伍拾陸兩零俱係本外餘利併進
上大錢及已發各項錢該利貳萬貳千肆百玖拾陸
兩捌錢總計實得利銀共柒萬伍千叁百零貳錢

捌分從前則前督臣伍萬餘金之利卽會爲清追
會爲代鑄臣不敢任受勞而拉以覓數也從後則
見在貯庫銅鉛計叁拾貳萬叁千餘斤各省見解
銅計肆拾柒萬柒千餘斤除鑄出還本外可得利
銀肆萬餘兩臣不敢任受逸而預以報數也除另
造四柱總撒清冊存局查盤并已行事宜刊刻昭
示外切照周禮歲終有會而科臣解學龍論鑄法
曰一季報一季之息一年還一年之本臣心服其
言會當年終例應據實

奏報伏念臣受事雖歷三時但自補牘奉

旨後釐剔奸弊封局停鑄幾五十日爐冶匠役視昔
汰去大半而所獲之利實浮於昔當此併壘交鑿
之時難爲一切苟且之政惟是孤掌難鳴衆擎易
舉所恃內外諸臣急公協贊始克有濟及查各關
權臣原奉

欽依派撥額課買銅惟河西務主事李樹初買到銅
壹萬柒千餘斤臨清關員外李鳴珂買到銅叁萬
貳千餘斤兩地去產銅之地最遠而銅料輳至最

蚤若濟望關廉委幹役發銀壹萬貳千兩見在採
買起運足慰望梅尤徵體國而九江權關去產銅
之地漸近乃日復一日未據報聞豈真不以

國恤爲念耶或起解在途或逶遲有待臣蓋不勝引
領以冀矣至協司員外郎鄒潘值局事更新之會
能竭心計振其夙頹三次搜獲葉逢時等私鑄錢
壹拾柒萬貳百叁拾文又設法追完各爐頭王椿
等侵盜銅伍萬捌千餘斤遂令官鎚不委于近波
狡兔亦失其三窟至於杜餘錢之出嚴私銅之入

局以內井井奕奕良繇脂膩不染故鈴束不撓耳
若各省直議動輕齎銀兩買銅殊費司道諸臣一
番擘畫然獨非王事也乎哉乃江西解到十之五
浙江報到十之六南直解到十之三湖廣報到十
之二須有續至之期尚虛後來之望零星商販所
濟幾何必遵照

明綸每歲每省直搭運肆伍萬金銅料輦入都門庶
幾源源接濟爐突無停歲可收息十數萬較之筭
緡履畝之所得難易多寡何啻星淵近聞各省取

次開局不知終歲各得利息可幾萬兩或解冗途
餉或准抵加派亦須一一報部庶不至悠悠汎汎
竟無着落也頃河南按察使潘文兼管錢法開鑄
僅數月解過太倉鑄息銀陸千伍百柒拾貳兩有
奇所解樣錢厚重黃亮迥出常等此其急公任事
所當

旌異以風勵諸藩者也此外各藩臬管理錢法諸臣
伏祈

明旨申飭容臣部移咨撫按查取職名及該年鑄利

若干曾否抵克正項以憑一併旌別

上聞仍嚴行南直管催銅料衙門及浙江江西湖廣
各布政司督糧道遵照原題逾年如數買銅若干
萬兩附搭漕船進京毋得憚煩以悞國計至如協
司員外郎鄒藩有守有爲拮据獨瘁乞

勅吏部紀錄差滿之日從優叙轉爲任事者勸又員
外郎李鳴珂主事李樹初林肇開各著勤勞俱應
紀錄用示激勵其九江許墅兩關司官統俟銅到
之日查據完欠多寡聽臣部分別叙勸如是則

王言信而法守明其於用人理財非小補矣抑臣施
有請焉一局之設而百蠹伺之局彌多而蠹益未
易擢髮數也如南北舊設錢局各有專司臣不具
論乃寶泉新局臣實目擊其利害而身嘗其疾苦
總之不減汰則不精專以敵乘於多指而法亂於
多岐也如臣迂執仰奉

宸嚴不問譽咎不隨情面堅持三尺一意行之尚未
能報稱萬分一則當此局者不亦難乎卽山海關
特設一兵部主事督其事又部臣林鳳翔饒有幹

濟提之以撫道乃無失隊然且以銅餉不繼爲苦
猶之乎臣部也邇時滇蜀道路未甚通激水西江
蜀救涸轍加以各處奸商羶慕私販各處奸民結
隊私鑄甚之托官批以文奸藉官房以數盜銅之
源愈窘銅之緒愈紛而錢法之關紐愈頓故臣謂
永平天津斷斷不宜開鑄徒聚群狐盡穴撮土塞
三部來銅之路奪九重富有之權於國用無分毫
濟而於國事愈不可爲也敢循職掌而申言之統
候 勅旨施行 天啓四年正月十五日奉

聖旨鼓鑄生財長策陳于廷悉心料理不辭勞怨已
著成績鄒潘督率精勤潘文急公任事俱與紀錄
旌異李鳴珂等併與紀錄永平天津錢局不必另
開以滋弊竇其餘俱依議行戶部知道

督理京省錢法戶部右侍郎陳于廷謹

題爲仰體

聖孝悉索冶鑄以濟陵工之急俯明臣誼祇嚴職掌以免素餐之羞事臣維國家財賦至今日而窮蹙極矣邊軍枵腹陵寢停工爲目前之困爲無窮之憂不宜怡堂處而秦越視也臣佐計無能仰屋竊歎所可循分自効者惟是錢法一事數月以來欽奉

明綸多方疏理弊孔稍稍塞而財源稍稍通矣計今

青蚨子母可數倍於曩日卒歲可收十萬之利以爲淵嶽之塵露也除陸續發過通州永平等處制錢以充兵餉共計肆萬兩外繼此稍有贏餘卽擬那數百萬錢以助陵工少竭微臣愚惻而適奉戶部分銅三十萬之

明旨臣見在代庖極知太倉原不產銅况當室如懸磬無可那給謹檢點寶泉局庫貯度可得制錢數百萬俟該部移咨到日欽遵

新命那濟

陵工如有不敷容臣陸續補給務足抵

銀貳萬兩之數式償舊欠少佐急需蓋臣所承乏
代署者本部也自當爲本部措處而臣所同病相
憐者工部也亦當爲工部分憂但臣所專司者乃
錢局也祇能以錢應而臣所督理者非銅礦也自
不能以銅應耳及接邸報工部疏稱近因戶部荆
立寶泉局買銅到日認爲已物乃回咨執未肯發
等語臣不得不贅數言明之夫

陛下從諸臣條奏特勅寶泉局原以救軍 國危急
非有爭於工部也臣局銅本之那處或借自巡青

或借自輕齎或借自額稅毫無涉於工部也臣局
銅料之輻輳皆臣熱心爲國冷面向人旣委曲
於文移尤申嚴於

天語焦心敝舌幾幾內外諸臣之協力而始獲源源
而來也又非有于冒於工部也而責臣以買銅到
日認爲已物執未肯發則臣愚實所不解矣臣部
與工部同事

聖明共嚴王事卽爲殿上之爭不欲和氣之失竊慨
年來錢糧混扯以致職掌不明弊蠹滋甚故略陳

便槩以祈

聖鑒臣不勝悚息待

命之至九月初十日具題十三日奉

聖旨陵工緊急特准分銅鼓鑄據奏那奏現錢償欠
佐需尤見急公共濟依議行該部知道欽此

督理京省錢法戶部右侍郎陳 爲進庫錢銅未
辦秋季 制錢無措等事准本部咨准工部咨稱
前事等因到部准此看得進錢一節先年工部獨
任其勞故問銅於戶部今戶部分任其責既有辭
於工部矣乃該部所嗽嗽者以舊借銀兩爲詞然
錢糧各有款項豈容指東話西銀自銀銅自銅不
宜混扯効賈豎之紛爭也况巡青之銅刻期取錢
本部亦不敢少待安得以那自巡青者轉那於工
部乎卽工部向年所分銅十萬斤見經移文買銅

衙門徑開工部銅本安得以私借爲名創不經之厲階耶若進

上制錢本部開爐僅逾一週且借資於利息工部開爐最久何反欲借於本本部乎總之在局言局自難乞鹽乞隣前疏業已剖明

新旨共當恪守決不能朝三暮四擅割巡青之銅舍已耘人曲徇發棠之請也至於本部原欠銀兩尙新餉可後舊通宜先以銀還銀當取諸太倉無與於泉局一聽 裁奪施行 一谷覆正堂

督理京省錢法戶部右侍郎陳于廷謹

題爲捕營詰發私錢獻贖供係官局隨起隨獲証
實贍明謹詳顛末仰祈

聖鑒乞

勅明正

國憲戡除

國蠹事據協佐錢法山東清

吏司員外郎鄒潘呈稱捉獲賊犯事據巡捕把總
陳應文稟稱先該卑職呈奉巡視京營科院批前
事內稱本月初六日據軍番賈文學等捉獲偷驟
賊葉法供稱係爐頭葉逢時家人有主逢時私鑄

銅錢近因戶部盤查嚴緊將大錢貳拾餘串令吳應科等埋藏在地等情到職審供是的又據吳應科供稱委係鑄有大錢叁千伍百文小錢貳千叁肆百文窩鉛壹百肆拾斤同管帳汪四見埋在銍邊房內北牆根下等語又據葉近宇供稱本年伍月內同汪四并汪近泉將大錢肆千餘文沉在磨錢水坑是實又據陶三供稱有大錢叁千文交與汪四收埋只候遇便起出等情具呈巡視京營科院蒙批爐頭盜鑄法所不貸據詳情已逼真仰該

把總卽押葉法等面稟新任鄒公同起贓仍聽審
明移會繳等因具稟到職本職隨令本局大使余
應讓眼同把總陳應文立押葉法等前去葉逢時
號房牆下開掘果於地內起出大錢捌千玖百肆
拾貳文小錢貳千貳百文窩鉛連筐貳百斤該本
職看得爐頭葉逢時向來領銅鑄錢成數具在查
名下欠銅不滿肆斤安得許多錢鉛深埋地內豈
天降地湧抑神運鬼輸耶據其家人葉法之口報
與牆下所起之贓灼然不爽此非侵剋官銅則夾

帶私鑄緣邇時防範稍嚴未能透漏得出使爐頭而皆逢時也制錢安得而不濫惡且慮罪隱竄屢拘不出是蠹國之奸三尺不得而問之矣除拘到伊管帳妻弟汪四監候外仍行嚴緝逢時正身審明另詳緣係把總陳應文緝盜究出前情稟鳴科院批送已經本職起獲真贓等情申呈到臣該臣詳批據把總陳應文因詰盜驟而獲盜錢科院面訊洞照隔垣移司起贓掘地隨獲情莫真於此者原供汪四葉近宇吳應科汪近泉陶三徐守

仁皆埋窖搬運之人龔千總余家舒家皆知情証據之人冊開陳國明李成等皆同號互結之人着落查追則元惡葉逢時可立致也而可任其憑城匿跡乎該司速提查比毋姑徐徐云現贓如照貯庫類發充餉仍移各巡視衙門知會去後又據該司呈稱續獲盜錢事職細思葉法等歷供埋錢爲數尚多所起之贓似覺未盡隨於十六日黎明行把總陳應文吊到汪四葉法面鞫果卽吐實職因同陳把總親到葉逢時號房復於爐下地內掘出

大錢計伍千肆百壹拾壹文現在收貯外又據匠人姚仁報稱十五夜二更時分有一人背負大錢要在曠地埋藏被伊捉獲當卽奪得銅錢本犯奮身走脫不知往何號房去訖已經查獲大錢計壹千伍百文又於十七日復據玄字號守房匠人孫二首解葉逢時家人朱學先於十四日將銅錢肆串頓寄伊坑下恐致遺累合行稟報等情據此隨令大使余應讓押同本匠起出共計大錢貳千壹百柒拾陸文各驗貯外該本職看得寶泉局之設

未兩載不知 朝家收息幾何而此輩盤踞其中
侵尅盜鑄所牟利更不知凡幾一時加意關防向
來魍魎漸露面目計葉逢時一人之身前後搜出
私鑄錢遂至叁百餘金一二作奸犯科者亦且鳥
驚獸駭互相詰發以倖逃三尺斯亦天道禍淫之
機而人心兢惕之會已等情續呈到臣該臣詳批
據續供私錢起獲又如許寶泉翻作盜泉神棍作
奸蠹 國何至此劇也捕獲有功員役照例議賞
併移巡視衙門知會此繳比臣吊查總捕營原申

內稱逢時等於去年十二月私鑄錢壹百串搬寄局傍徐守仁家漸次私運回去矣葉近宇供稱去年十一月看管爐火鑄大錢叁拾肆包約肆萬柒千有奇沉溺水坑內只候便起出矣又葉法供稱今年五月因戶部各司官查盤嚴緊不便搬運逢時等在關王廟內向龔千總商說不如放火燒局可出此錢龔千總要首告在余家講証矣是銖大銖小埋藏者又剝蝕之緒餘而爲銅爲鉛起獲者特千百之拾壹也纔發一奸已累累肆徂百金其

他通同掩覆倡和作奸人盡逢時也又何可勝討哉天實禍淫禍一逢時以警衆逢時耳事內僅僕懿親是不一姓逢時豈孤踪難覓者仍久抗不出至死不僵扶之者衆非虛語也及查原用開列劉嘉會與逢時同號又與逢時互結而爐役周洪道韓英鰲等執稱嘉會的係戎首尹鳳丁信張文煥等數十人亦嘉會之化身不獨爲逢時牙爪也該臣叅看得葉逢時劉嘉會等倚泉局爲私鑄視官法如弁毛一爐頭而朋比者數十輩冊上多無其

名僅尺地而窖埋者千萬錢夜間可識其氣彼鷄
聯百足密移 朝廷之利權已浸淫而莫覺此狐
駕千群明通鬼蜮之線索將極重而難移幸

明旨立炤其隱曰侵冒曰尅落如見肺肝迨科院踵
發其奸再掘地再逢原曷逃耳目當其闢廟聚族
計必厝火燎原而多贓可遁幾同奸細之逆謀迫
夫千總偶聞直欲一盤首出而惡焰乃銷顯是關
聖之神力至出沒戶工一身而跨兩部之役憑依
城社三尺莫施九尾之妖則嘉會洵奸之尤而弊

之首也必正嘉會之刑庶獲逢時之繫又不得舍
豺而問狸矣如郭元王椿王國佐錢柱汪忠馬乾
葉應魁王應麟高文煜楊祥等侵逼太劇尅落難
窮應叅送者叅送應革役者革役容臣移咨覆
請外所有官局私鑄事覺贓真見經兵部具題
臣局義難姑待爲此疏陳事狀以聞伏乞

勅下法司將渠魁劉嘉會等并緊犯汪四等逐一嚴
提重究案定之日仍移送臣局追贓充餉無令巧
營者乘之爲壘有力者負之而趨庶少救國法

之凌夷不稔財泉之耗竭矣若巡捕員役詰盜有功宜從敘錄統候

勅旨施行七月

日具題

日奉

聖旨是劉嘉會葉逢時等着法司嚴拿重究正罪仍追贖充餉巡捕員役准紀錄該部知道欽此

督理京省錢法戶部右侍郎陳 爲衡量鼓鑄事
宜等事協佐錢法山東清吏司案呈先該本部題
覆欽奉

聖旨制錢濫惡明係侵冒尅落還究問明白來說欽
此欽遵備咨到局續該督部送據貴州山東江西
等清吏司郎中黃應秀楊國柱向胤賢呈稱奉劄
仰職查照原題遵奉

明旨行提爐頭周洪道李龍化等逐一當堂查究要
見誰人把持爐事誰人作犯弊端誰人攙和低假

誰人侵尅官料誰爲作俑誰爲倣倣誰爲積蠹當
祛誰爲青災當宥旣防漏網亦戒株連務求情法
之中務踰公平之矩蓋暫署者勞怨難于獨任而
協查者虛公可以互叅也等因奉此職等隨移會
暫署局務王司務行提一千人犯于初六日協同
查得爐頭周洪道等以蠅聚之衆肆鼠竊之奸始
非不奉法清楚而後漸弊竇叢生轉相效尤遂使
生財之源翻爲藏奸之藪卽原管沈主事亦極力
振作而乃爲嗜利之徒頓成不破之陋局今試指

犯法作弊者誰而作弊者衆不可指也試問攬和
低假者誰而互相欺隱者衆不可問也就其中參
于情法而酌其重輕大抵小心守法者如數全完
卽頑鈍不甚者尚易補足惟公然盤踞侵尅不貲
者則積蠹爲甚難以輕宥矣今查銅已完足者李
龍化等間有餘銅不等發銅止有此數餘銅俱係
官銅應沒還官趙九臯等免其苛責其欠肆拾斤
以下至數斤者莫明等欠數不多勒限完日免其
追比其欠肆百斤以下至伍拾斤者姑寬侵尅之

罰但嚴行追比勒限完足免其叅奏至于欠伍百斤以上至壹千餘片者尹一夔等以公帑之鑄供私家之肥任意侵欺罔知顧忌非奉

嚴旨申飭甯小何以示懲宜併行叅送勒限追完分別議罰又其甚者郭元以一人而欠至貳千肆百柒拾柒斤王椿以一人妄開三名而欠至貳千貳百叁斤郭元侵尅爲多王椿把持有據卽積盜所當祛者併宜叅奏重處追比完日責革示懲爐總周洪道欠銅雖少然以總目而不行覺察猶鼠之

私亦應薄罰其外有一家而兄弟併入叔侄列名者非其垂涎射利何以呼類朋奸議革議留在台臺嚴查職等不敢輕議也計開已完銅斤爐頭李龍化等共肆拾肆名侵欠銅斤爐頭郭元王椿等共捌拾柒名餘剩錢銅爐頭趙九臯等共一十七名未領銅斤爐頭劉汝松等共壹拾柒名等因到部蒙批據詳叅情法而酌重輕以郭元王椿等爲盤踞侵尅之尤而首議創治誠懲一儆百之苦心也近各爐頭竦息于科院之嚴核挾隱于佐司

之新型完欠灼有實數混報徑行革除互結緣事
者摘出比併又葉逢時劉嘉會一案天發其覆神
効其靈獲盜鑄于盜騾露一班于餘蝕弊實遂指
諸掌上金錢忽湧于地中恢恢財府或難容魑魅
之公行汨汨寶泉不終爲鯨鯢所躍跳矣其裁革
過爐頭姓名派撥過爐頭名次查覈過完欠數目
截裁過空閑厰房起獲過埋窖私錢仍行逐一條
列牘中以憑移咨正堂題覆速之速之奉此隨該
本職查得爐頭原額壹百柒拾名內郭元王椿王

國佐錢柱汪忠馬乾葉應魁王應麟高文煜楊祥
李元成顧養隆宋應胡王成隆等壹拾肆名逋欠
既多完納未半應分別輕重治以侵尅把持之罪
完贓之日革役李龍化李宗儒程大河程大吉王
應春王之璉閻守仁閻守義等三十餘名皆父子
兄弟叔侄重冒應汰劉恩葉逢榮王志尹鳳李成
丁信張文煥皆劉嘉會葉逢時之同黨李國楨李
芳趙德廣魏文學郭東賢苗時惠六名皆苗芳之
替身趙子孝劉永承馬九亮徐杰等二十餘人皆

後來添入有名無爐者相應併革又如林尚仁陳
秀等參拾餘人皆緣互結欠銅掛累難以着役查
得實在完銅尚堪使過如盧萬鍾王汝梅席學會
等陸拾名按季分班輪值爐事西北廩房盡行堵
截外只留南二層東一層計陸拾伍間存爐肆拾
座以爐頭貳拾人分督之中留水井二口開糞窖
一所濟溝肆拾柒丈以通水道四圍樹棘以防弊
竇爲照官局曠濶如市如城爐房深密爲淵爲藪
頃奉

嚴旨之三申重以科院之稽核本職受事伊始節蒙
部檄催督彌切冰兢隨移居公署取次澄汰逐一
補苴其錢銅之收放匠役之出入必躬必慎有嚴
無縱卽葉逢時一案經職手搜獲贓錢計大錢壹
萬捌千貳拾玖文小錢貳千貳百文窩鉛連筐貳
百斤并未獲贓犯呈詳追捕另結其銅斤完欠數
目及裁革過爐頭名次各匠姓名另開呈報外今
蒙前批相應申覆等因案呈到部看得郭元等借
大厦以托足因爐事爲神叢剥上肥已如寄如攜

貌法欺公不奪不饜額以外難窮其尅落額以內
明恣其侵漁屢比無意償城計贓不啻盈貫允宜
叅送分別創懲若李龍化等或一家而占冒多役
或一身而挂搭多人並當汰革以清淵藪廬萬鍾
等尤堪使過姑准輪班夫名數旣經節裁則比德
者三禡已奪其魄而局房復從堵截則居肆者一
覽莫遁其形從此而三尺稍伸九府攸賴所以對
揚

明旨振勵頽風者其在斯乎若劉嘉會葉逢時等盜

鑄賊明見在題

請參送法司無容再議擬合就行爲此合咨前去
煩爲查照咨內事理酌議題覆施行

一咨正堂

督理京省錢法戶部右侍郎陳 爲新奉

欽依責成買銅解局如數如期無悞鼓鑄事協佐錢
法陝西清吏司案呈案查本部題覆陞任督理錢
法右堂李 一疏內開各鈔關如潯墅九江臨清
監督官隸在臣衙門各有應解稅額如北新淮安
揚州監督雖不隸在臣衙門亦各有應解稅額每
年卽令各監督官那額稅之半隨便買銅不時解
進以充鼓鑄之用銅斤到日卽行開除額課俟督
臣照數以局鑄抵還其南直浙江江西湖廣各買

銅地方俟本年完報之後以後年分仍聽臣部酌量銅斤盈縮以爲銀數多寡移文扣留買辦不必拘定肆萬伍萬之數若陝西二年加派雖有未解伍萬陸千有零第先爲工部題留修建府第尚在爭執亦聽臣部行令該省酌動該年另項應解部銀若干買辦接濟以上省直總以銅斤到部而後開銷錢糧無令銀與銅兩懸而滋侵欠之弊也總之在南北部奉差權臣責無辭于兼攝在各省直當事諸臣義難委于旁觀或帶運于漕艘或專運

于委官一聽便宜行事至于紀錄忠勞叅罰怠玩
原經奉有

欽依督理臣必且執三尺以行勸阻等因業奉

欽依通行在卷合行馳檄各該地方衙門遵照原題
欽依內事理上緊實辦完解等因案呈到部看得爐
突無烟工匠束手本局卽焦勞心計難爲無米之
炊所望各省銅料之接濟真以日爲歲者九江潯
墅樞關爲銅鉛諸貨輻輳之所爲蜀楚江浙諸省
咽喉之區收買非難督催亦易近經題覆

欽依不啻再三嚴切所有該司應動權課及江西湖廣二省南直浙江等處原扣輕齎各照後開分派數目應買辦者徑自買辦應催督者速行催督其選委員役搭解糧艘或每年分作二運肅官領解一聽便宜行事仍須如數如期此係累奉

欽依叅罰紀錄法在必行義難坐視無比泛常延緩計開

一九江每差坐扣稅額銀叅萬餘兩照依時估
選買黃銅約叅拾萬斤一切差官運船使費

一併開除正額照數銷筭

一江西原扣天啓元年分輕齎銀肆萬兩除解過黃銅貳拾萬斤外其未完銅斤亟行移會該省督糧道嚴催完解

一江西原扣天啓貳年分輕齎銀伍萬兩買銅至今分毫未解一併行催勒限起解

一湖廣原扣天啓元年分輕齎銀肆萬兩買銅至今分毫未解移文耑差的當員役赴該省督糧道守催

一江西天啓三年分輕齎銀兩湖廣天啓二年
三年分輕齎銀兩暫免扣留悉行照常隨糧
完解候現催前項銅斤完日本部權衡多寡
盈詘不拘何年何項錢糧另文坐扣採買
一潯墅每差坐扣稅額銀叁萬餘兩照依時估
選買黃銅約叁拾萬斤一切差官運舡使費
一併開除正額照數銷筭

一應天等處原扣天啓元年分輕齎銀肆萬兩
向據總督漕院咨稱滇蜀阻梗買辦惟艱暫

行停免今蜀事暫平前項扣買銀銅難遽窺
閣况近經題覆奉有欽依勢在燃眉詎容姑
待該督糧道卽查前項見扣銀兩不拘叁萬
肆萬立刻選委員役給領買辦上好四火黃
銅務于六月七月內完解

一浙江原扣天啓元年分輕齎銀肆萬兩買銅
據報見經差都司副斷事曹士先領銀叁萬
兩前往湖廣收買至今未據解到亟行移會
該省督糧道嚴催前買真正四火黃銅定限

六月終完解

一南直浙江天啓二年三年分經齎銀兩暫停
免扣悉行照常隨糧完解候見催前項銅斤
完日本部權衡多寡盈詘不拘何年何項錢
糧另文坐扣採買

一北新揚州淮安臨清河西務鈔關爲各省咽喉之區百貨輻輳之所收買非難督解亦易
近經題覆欽依所有應解本部稅銀量扣若干兩照數買辦真正四火黃銅作速解進以

克鼓鑄其選委員役與搭解便差從水從陸
一聽便宜行事銅到之日卽准開除額課仍
戒諭承委員役毋得侵尅攙和低假以致悞
事其買過銀銅數目併起解日期先行揭報
本部以便查考務須如數如期勿視爲秦爲
越此係欽奉

明旨叅罰紀錄法在必行無比泛常延緩

督理京省錢法戶部右侍郎陳 爲衡量鼓鑄事

宜酌議補偏救弊等事協佐錢法山東清吏司案
呈看得局之需銅猶炊之於米也自議派各省動
支輕齎銀買辦銅斤解進於今四載僅於本年三
月內江西解到黃銅貳拾萬斤九月內太平府解
到黃銅壹萬陸千柒百捌斤外如浙江報到差官
曹士先南直報到差官王來詔湖廣報到差官張
臯謨豈其人皆子虛烏有乎而銅歸何處望眼欲
穿又如南京戶部咨開動支改折銀伍萬兩委山

西司主事李思敬領過貳萬兩給商許志陞買有黃銅解京交納又有代進制錢折算銅本工料銀兩已經差人領去採買已解者既同止渴之梅而領買者徒潤奸商之橐又准南京戶部咨稱各關買銅有陸不便議解銀到部認爲代買不知各關解銀何時發買何時銅到又何時也恐關上諉爲已卸之擔而部中視爲代耘之田悠悠歲月曷濟急需相應移咨亟催且此時窩鉛盛集有陸萬之紅銅便可當十萬之黃銅卽令各商願買紅銅解

進或銅朱鉛參兼運既省點配工夫又無稽遲時
日且免低假退換公私俱便應併知會案呈到部
擬合就行爲此合咨貴部煩查商人許志陞等自
三月內領解銅斤緣何至今未到其代進制錢銅
本銀兩旣已差人領去採買爲日已久此時應卽
催解至原動改折銀尚有參萬兩未發及各關解
到課銀祈作速差役備買紅銅兼程解運進京以
濟急需庶見同心體國之誼

一咨南京戶部

督理京省錢法戶部右侍郎陳 爲衡量鼓鑄事
宜酌議補偏救弊等事協佐錢法山東清吏司案
呈案查去年九月內蒙前任督部題稱戶工二部
各辦制錢壹百伍拾萬南戶工二部各辦壹百萬
每季奏成伍百萬之數其南京兩部恐零進不便
總于臣等兩部各進貳百伍拾萬南京戶工二部
聽其續解補還臣等二部庶上供便于歸一而頒
用不致稽遲等因續蒙本部題議前事劄催四季
代進制錢肆百萬文查照時估折算銀陸千捌百

兩卽作所收銅本賣成該司經管官速買高銅遞
解寶泉局抵還以便鼓鑄等因俱經奉有 欽依
通行在卷今查本局代進南部制錢自去年秋季
起至今年冬季止共進過錢陸百萬文以時估折
算該銀壹萬貳百兩應作所收銅本買銅抵還今
於本年九月內准南部咨開代進制錢銅本銀兩
已經差人領去出產地方採買至日另文解進顯
候已久此時計應買完發解其買銅若干起解何
時未見移會恐前此徒以空文虛應此係代進

御用錢糧自宜列期完償相應亟催等因案呈到部
擬合就行爲此合咨貴部煩爲查照咨內事理將
代進制錢自去秋至今冬止折算銅本共壹萬貳
百兩旣稱差人領買爲時已久應卽催解庶貴部
應解制錢前項錢糧不至爲經管員役所乾沒也
倘云點配稽遲合照前議徑買紅銅解進庶免撓
和低假尤屬兩便

一咨南京戶部

督理京省錢法戶部右侍郎陳 爲衡量鼓鑄事

宜酌議補偏救弊等事協佐錢法山東清吏司案
呈案照先奉督部送准南京戶部咨開動支改折
銀伍萬兩已委山西司主事李思敬領過銀貳萬
兩給發商人許志陞等買有黃銅批差本商解京
交納餘銀尚未領買等因到部送局爲照局之望
銅何啻調饑倘外解不至則利源終竭今查南部
原議動支天啓二年三年分改折銀各伍萬兩止
開商人許志陞領銀貳萬兩買銅起解未到尚在

嚴催其餘銀兩若不速行派辦將來何以接濟至各關原派銅斤南部既稱各關所稱六不便情理逼真應合銀自關解銅自部解已認代買卽宜火速買完一併解進倘銀未到部仍應移覆各關遵奉欽依自行辦買毋致兩悞至黃銅鎔點似費工夫又延時日且近到黃銅皆配不及格低假難用以後續買卽令銅七鉛三兼搭運進爲便案呈到部擬合就行爲此合咨貴部煩爲查照咨內事理將原派未買天啓二三年分改折銀共捌萬兩

併各關解到銀作速差商採買徑將紅銅七分窩
鉛三分兼搭運進不必鎔點以致低假作弊務期
嚴限到京倘各關銀未到部仍應移覆聽令自行
買辦毋致兩悞徒爲怠公者所藉口也

一咨南京戶部

欽差督理京省錢法戶部右侍郎陳 爲報代專
協佐錢法山東清吏司案呈案照去年八月內奉
本部送據督理銅務工部屯田清吏司徐員外呈
稱前任萬員外又領南京戶部應解太倉事例銀
陸千貳百壹拾兩督商金全照值買辦黃銅五萬
壹千柒百伍拾斤于天啓三年六月內起解訖等
因到部迄今七八月餘尚未解到合應咨催速運
以資鼓鑄急用等因案呈到部擬合就行爲此合
咨前去煩爲查照咨內事理希查銅商金全原領

應解太倉事例銀陸千貳百壹拾兩既已辦有黃
銅伍萬壹千柒百伍拾斤延今半載有餘因何不
行解到其中有無盜賣別情乞速嚴查明確併速
催運以克急用萬勿遲緩施行

督理京省錢法戶部右侍郎陳 爲裕國通商以
濟急用以甦爐困事協佐錢法山東清吏司案呈
准監督崇文門商稅林主事手本內開准工部署
寶源局李司務手本奉本部劄付虞衡司案呈奉
本部送據爐頭韓得春等告稱春等自備資本并
有客販紅銅分濟近被戶部截封無從搜買等情
呈堂蒙批准給批仍註地方立限毋令藉批營私
可也除咨會轉行外查係本部爐頭買到銅鉛驗
有批文卽便放行遇有客販銅鉛務令兩局均買

接濟責令爐頭自備資本往陝西出產地方採買紅銅運京鼓鑄等因奉此移會到門准此查得兩部所鑄之錢並屬公家急需之寶先時所過客銅量分與工部是亦協恭並濟之誼今韓得春等所買銅數拾駄業經告部移咨欲竟運工部鼓鑄本部應否分用煩爲呈堂亟請明示等因到局准此看得兩部鼓鑄均佐公家之急亦均需外至之銅紅銅每百斤原定價壹拾肆兩工部爐頭故增其價從數十里外左右望而邀之及至門則持舊批

謬云備本買到竟欲運去日與本部爐頭搶攘於
稅司之前此雖細人營私之常態亦殊失兩部急
公之大體夫銅果自出產地方採買而來必以千
以百細載麋至誰得爭之若猶是零星數駄明屬
商販自應均用况本局之爐視寶源局不啻倍之
伏望台臺移咨工部祈諭各爐頭每日就於稅課
司查明商銅販到若干工肆戶陸分買不必前途
高價邀截以爭於必不得之數也等因呈堂蒙批
准移咨奉此案呈到部擬合就行爲此合咨前去

煩祈行令寶源局凡有販到客銅相應兩局分買
照爐多寡工肆戶陸以資鼓鑄勿令爐役遠途攬
奪聚訟稅司以傷兩部急公之體

一咨工部

督理京省錢法戶部右侍郎陳 爲衡量鼓鑄事
宜酌議補偏救弊等事協佐錢法山東清吏司案
呈案查先奉督部送據江西督糧道呈稱買銅解
京鼓鑄已奉

俞旨坐委九江鈔關又經本司詳院動支該關錢糧
買解茲奉行催除已咨司移催鈔關作速買完差
官徑解外合就具繇呈報等因到部蒙批該省買
銅取辦于輕齎該關買銅取辦于權課各任其責
不相侵代原題甚明非可以該關而兼該省之任

也協司速移催該省司道量動今年輕齎或別項
應解部銀二萬兩選委員役承買如數如期解局
以應急需無以

明旨爲升髦也奉此已該本局案呈到部移行該省
如數督買去後延今數月未據呈報邇來布花
欽賞等項需錢甚急庫貯乏銅湊手相應再催案呈
到部擬合就行爲此合照會該布政司轉行督糧
道卽動該年輕齎或動支別項應解部銀二萬兩
上緊差官如數收買高銅兼程趲進勿得畏難緩

視致悞軍需但黃銅鎔點費工有稽時日以後徑
將紅銅七分窩鉛三分配搭運進照價秤收且免
攙和低假諸弊以致駁回尤屬兩便

一照會江西布政司

督理京省錢法戶部右侍郎陳 爲奉差事竣謬
陳一得以裨儲政事協佐錢法山東清吏司案呈
案查先奉督部送據浙江糧儲道呈稱本年七月
內給批責差都司副斷事曹士先督商丁輯管解
黃銅貳拾伍萬斤并印封樣銅仍添差承差厲自
新協押勒限前赴戶部告投驗收獲批外備繇呈
乞照驗施行等因到部案候不到業于十月內移
文督催去訖至今尚未回報爲照浙省買銅之役
既委官曹士先并商丁輯領解又添差承差押行

該道急公之心亦自可諒乃顯候半載並無人文到部此中是何情弊若非設法嚴催沿途督運悠悠歲月曷濟急需等因案呈到部擬合就行爲此合咨前去煩爲查照咨內事理轉行督糧道速查委官曹士先并商丁輯管解黃銅貳拾伍萬斤緣何在途停滯有無侵沒情繇務嚴提本官及本商家屬督令前途星速起運其銅色務要黃赤高等庶免駁回一體遵照萬勿仍前緩視有悞軍需

一咨浙江巡撫

督理京省錢法戶部右侍郎陳 爲衡量鼓鑄事
宜酌議補偏救敝等事協佐錢法山東清吏司案
呈奉本部送准湖廣撫院咨開據糧儲道呈准本
司咨准本道咨奉

督理京省錢法戶部右侍郎陳 劄付前事該本
司行令荊州府差委的當官員赴司領給輕齎貳
萬兩到府買辦淨銅解部等因呈詳批准照數買
銅奉此當將前銀轉發差來照磨楊一震領解外
催據該府批差吏聶義全止送買完銅貳萬斤到

司移行本道查議明白派給漕船轉解去訖今據
該府申報押運委官荊州衛經歷張臯謨職名前
來擬合呈報等因轉咨到部送局查得楚中旣勤
輕齎銀貳萬兩買銅必須併買起解方可少濟目
前該道留心國恤催檄嚴切止據買完貳萬斤隨
搭糧船至今未到其餘銀兩續買若干杳未見報
荊州銅貨輳集之地現銀買銅第煩一區畫間何
憚而不爲也合應亟催及查配點稽遲今議徑買
紅銅依期解進似覺兩便等因案呈到部擬合就

行爲此合谷前去煩爲查照谷內事理移文糧儲
道速催荊州府將原扣輕齎貳萬兩照依時價盡
數採買紅銅刻期解進不必鎔配窩鉛以致攙和
低假尤爲便益勿得仍前推諉延緩有悞軍國大
計

一谷湖廣巡撫

督理京省錢法戶部右侍郎陳 爲奉差事竣謬

陳一得以裨儲政事協佐錢法山東清吏司案呈
案查先奉督部送准本部咨開准應天撫院咨前
事內開直隸等省各動輕齎肆萬兩買銅已經案
行應天蘇常徽寧四道卽于本屬量派扣留輕齎
銀伍千兩速買銅帶解本部等因去後隨據徽安
兵備道呈詳池州并安慶二府委官買銅緣繇到
院批開池州旣買過壹千捌百餘斤准同存銀壹
千貳百陸兩肆錢暫貯俟買完彙解安慶之叁千

伍百伍拾柒兩付之壹千戶王來詔迄今未回是
否妥當仰速稽核明白勿令銀銅兩無着落也據
本道呈詳安慶府委官王來詔領銀叁千伍百伍
拾柒兩前往產地買過黃銅貳萬陸千伍百斤到
府難以停住又經分派各幫漕船帶解訖每斤計
銀壹錢叁分玖厘等因到院轉咨到部送局今查
安慶府既委千戶王來詔買銅帶運咨到自春涉
冬未見片銅到局此中是何情弊池州府既買銅
壹千捌百斤存銀壹千貳百餘兩卽宜速買高銅

彙解延緩經年徒以空文虛應殊非體國急公之
誼合應移咨應天撫院轉行該道速提千戶王來
詔嚴查買過銅斤因何不行解進毋令奸弁侵那
別作一番生意至銅價低昂自有各省成例併催
池州府盡將前銀採買四火黃銅刻期運到以資
鼓鑄但黃銅點配費工必稽時日今議將紅銅七
分窩鉛三分起解照價秤收且免攙和低假等弊
更屬兩便等因案呈到部擬合就行爲此合咨前
去煩爲轉行該道作速嚴提千戶王來詔查究買

過銅斤緣何至今未到如有侵那情弊卽應從重
叅處其池州府原派銅銀亦須星速買完起運至
於黃銅鎔配稽遲合照今議徑將紅銅窩鉛叁柒
解進庶免攙和低假尤屬簡淨勿令仍前違悞有
妨鼓鑄

一 咨應天撫院

督理京省錢法戶部右侍郎陳 爲專責成以清
案牘事協佐錢法陝西清吏司案呈奉督部送據
工部督理銅務員外郎萬燦呈稱嗣奉戶部劄付
督職採辦銅鉛奉此已經解過遼餉黃銅叁拾萬
斤解部交納訖又于本年二月內採解過巡青黃
銅伍拾萬斤見在起解查得在差舊役王純力効
勤勞乞賜給劄坐名在差專管戶部錢糧庶責有
攸歸而出納清慎等因到部蒙批查據銅商田尚
等借領鹽課銀數十萬既數閱歲矣拾通其捌未

據完報是借區區買銅之名而開萬萬漏卮之局也書辦王純未見查催清楚通同侵罔殊未可知安得請給劄付爲父留專管之地耶該司卽喚王純面問歷年借支鹽課若干遯餉項下若干巡青項下若干某年某商領過若干買完銅斤若干解過若干未完若干逐一明白開報以便移文南部嚴催本役仍候催完前項銅斤之日查果勤慎無弊另行賞劄原文併繳奉此送司查得見在齎領文移人役原非王純正身今奉前批合無移劄詳

查方始明確等因案呈到部擬合就行為此合飭
本官查照劄內事理卽查書役王純經承一應買
銅錢糧查照歷年支領銀數并完欠銅斤實數逐
一稽核明白冊報以憑移文該撫按衙門對查的
實仍俟錢糧盡數買辦完報之日另行給劄施行
一劄付督理銅務工部萬員外